



BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/ KANTON SREDIŠNJA BOSNA
MINISTARSTVO PROSTORNOG UREĐENJA, GRAĐENJA,
ZAŠTITE OKOLIŠA, POVRATKA I STAMBENIH POSLOVA

Broj : 07-06-11-07-2004/2020-8
Travnik, 20.11.2020.godine

Ministar Ministarstva prostornog uređenja, građenja, zaštite okoliša, povratka i stambenih poslova, na osnovu člana 70. Zakona o javnim nabavkama Bosne i Hercegovine («Sl.glasnik Bosne i Hercegovine», broj: 39/14), u postupku javne nabavke,
d o n o s i

ODLUKU o izboru najpovoljnijeg ponuđača

I
Ponuđaču "BNT INŽENJERING" d. o. o. NOVI TRAVNIK dodjeljuje se ugovor o javnoj nabavci radova za projekt « *Toplifikacija javnog objekta Šahovskog kluba, Novi Travnik i prostorija za praksu SŠ Nova Bila, općina Novi Travnik* » – KONKURENTSKI POSTUPAK, sa cijenom ponude od 14.040,00 KM (sa PDV-om).

II
Zaključenje ugovora sa najpovoljnijim ponuđačem kojim će se regulirati prava i obveze između ugovornih strana, izvršit će se po proteku roka od 10 dana, računajući od dana kada su ponuđači obavješteni o izboru najpovoljnije ponude.

III
Ova Odluka objavit će se na web stranici Vlade Kantona u skladu sa članom 70. stav 6. Zakona o javnim nabavkama Bosne i Hercegovine («Sl.glasnik Bosne i Hercegovine», broj: 39/14).

IV
Za izvršenje ove Odluke zadužuje se i ovlašćuje Komisija za javne nabavke za potrebe Ministarstva prostornog uređenja, građenja, zaštite okoliša, povratka i stambenih poslova SBK/KSB.

V
Ova odluka stupa na snagu danom donošenja i dostavlja se ponuđaču u skladu sa članom 71. stav 2. Zakona o javnim nabavkama Bosne i Hercegovine.

O b r a z l o ž e n j e

Postupak predmetne javne nabavke pokrenut je Odlukom o pokretanju postupka, broj: 07-06-11-07-2004/2020 od 26.10.2020.godine a, finansira se iz sredstava Fonda za zaštitu okoliša SBK za 2020.godinu po osnovu Odluke Vlade, broj: 01-11.7-695/2020 od 04.09.2020.godine o izdvajanju sredstava namijenjenih za projekte zaštite okoliša za 2020.godinu.

Javna nabavka je provedena po proceduri konkurentskog postupka.

Obavještenje o javnoj nabavci i tenderska dokumentacija broj: 07-06-11-07-2004/2020-1 poslani su i objavljeni na portalu Javnih nabavki pod brojem: 436-7-3-12-3-9/20, kao i ispravka obavijesti o nabavci broj: 436-7-3-12-8-14/20 od 5.11. 2020.godine.

Na tendersku dokumentaciju podnesena je žalba od strane „GRADPROM“ d.o.o. Srbac zastupan po punomoćniku Antić Mili, advokatu iz Banja Luke, povodom koje je na zatvorenoj sjednici održanoj dana 02.11.2020.g. u 16,00 sati Komisija izvršila provjeru opravdanosti navoda iz žalbe i poduzeća „GRADPROM“ d.o.o. Srbac zastupan po punomoćniku Antić Mili, advokatu iz Banja Luke.

Na prijedlog Komisije doneseno je rješenje, broj: 07-06-11-07-2004/20-4 od 05.11.2020. godine kojim se usvaja žalba u odnosu na nedostatke Tenderske dokumentacije u konkurentskom postupku broj: 07-06-11-07-2004/2020-1, tako da se mijenja Obarac za ponudu i brišu nazivi ponuđača i tip robne marke a, tenderska dokumentacija dopunjava prijedlogom ugovora. Izmjenjena i dopunjena tenderska dokumentacija sa utvrđenim rokovima za primanje i otvaranje ponuda objavljena je na portalu e-nabavke sa danom donošenja navedenog rješenja o žalbi.

U nastavku postupka Komisija za javne nabavke za potrebe Ministarstva prostornog uređenja, građenja, zaštite okoliša, povratka i stambenih poslova, blagovremeno je i pravilno izvršila otvaranje ponude dana 19.11.2020.godine u 13,00 sati i ocjenu prispijele ponude na sjednici održanoj dana 19.11.2020.godine. u 16,00 sati, o čemu je sačinila odgovarajuće zapisnike u kojima je utvrđeno slijedeće:

- Kandidat koji je dostavio ponudu :
"BNT INŽENJERING" d. o. o. NOVI TRAVNIK

Naime, uvidom u izvještaj o preuzimanju tenderske dokumentacije i ispravke tenderske dokumentacije sa e-portala javne nabavke, konstatovano je da je dokumentaciju preuzelo 10. ponuditelja među kojima i žalitelj „GRADPROM“ d.o.o. Srbac, ali da je dostavljena samo jedna ponuda i to od strane "BNT INŽENJERING" d. o. o. NOVI TRAVNIK.

- Ponuđač je dostavio tražene, popunjene i ovjerene obrasce, koje predviđa Zakon o javnim nabavkama.

- Nakon provjere kvalifikacionih kriterija navedenih u tenderskoj dokumentaciji, Komisija je pristupila računskoj provjeri financijskog dijela ponude ponuđača.

- Nije pronađena računska greška.

Kriterij za dodjelu ugovora u skladu sa tenderskom dokumentacijom je NAJNIŽA CIJENA.

Procijenjena vrijednost javne nabavke je 15.000,00 KM (sa PDV-om).

- Iznos ukupne cijene ponuđača za ugovor (sa PDV-om):

	bez PDV-a	sa PDV-om
"BNT INŽENJERING" d. o. o. NOVI TRAVNIK	12.000,00 KM	14.040,00 KM

Ponuđač čija je ponuda ocjenjena kao najpovoljnija a, ujedno je i jedina dostavljena za predmet postupka javne nabavke je ponuda preduzeća "BNT INŽENJERING" d. o. o. NOVI TRAVNIK sa cijenom ponude bez PDV-a u iznosu od 12.000,00 KM, odnosno cijenom ponude sa PDV-om od 14.040,00 KM .

Nakon javnog otvaranja prispjele ponude u konkurentskom postupku obavljenom dana 19.11.2020.godine Komisija nije izvršila zakazivanje e-aukcije na portalu e-nabavke, jer je ustanovljeno da je dostavljena samo jedna prihvatljiva ponuda. Uzimajući u obzir navedenu činjenicu kada postoji samo jedna prihvatljiva ponuda, Komisija ne zakazuje e-aukciju, nego se postupak okončava u skladu sa članom 69. Zakona o javnim nabavkama (Sl. Glasnik BiH, broj 39/14). Polazeći od naprijed navedenog Komisija je pristiglu ponudu ocjenila kao prihvatljivu, jer ispunjava sve uslove tražene tenderskom dokumentacijom i obezbjeđena su sredstava potrebna za finansiranje ovog projekta.

Nakon izvršenog pregleda dostavljene ponude po kriteriju najniže cijene, Komisija za javne nabavke za potrebe Ministarstva prostornog uređenja, građenja, zaštite okoliša, povratka i stambenih poslova, pozivom na član 8. Pravilnika o uspostavljanju i radu komisije za nabavke («Sl.glasnik Bosne i Hercegovine», broj: 103/14) dala je preporuku, da se predmetni ugovor za javnu nabavku radova «*Toplifikacija javnog objekta Šahovskog kluba, N.Travnik i prostorija za praksu SŠ Nova Bila, općina Novi Travnik* » dodijeli poduzeću "BNT INŽENJERING" d. o. o. NOVI TRAVNIK, kao najpovoljnijem ponuđaču.

U postupku je utvrđeno da je Komisija u svemu pravilno postupila, te da je preporuka o izboru najpovoljnijeg ponuđača u predmetnoj nabavi radova dana u skladu sa Zakonom, podzakonskim i internim aktima, te izmjenjenom i dopunjenom tenderskom dokumentacijom.

Slijedom prednjeg, pozivom na član 70. Zakona o javnim nabavkama Bosne i Hercegovine, odlučeno je kao u dispozitivu.

PRAVNA POUKA:

Protiv odluke ugovornog organa može se izjaviti žalbu Uredu za razmatranje žalbi Bosne i Hercegovine (URŽ), putem ugovornog organa, u roku od pet dana od dana prijema odluke.

Žalba se izjavljuje ugovornom organu u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena kvalificiranom kandidatu ili izabranom ponuđaču, kao i drugim strankama u postupku.

Žalilac je obavezan platiti naknadu za pokretanje žalbenog postupka u iznosu od 500,00 KM za procijenjenu vrijednost nabavke (do 50.000,00 KM), u smislu člana 108. Zakona o javnim nabavkama Bosne i Hercegovine.

MINISTAR
Amir Šečić.prof.

